



Projekat "HUB za zaštitu slobode izražavanja" (Freedom of Expression HUB) finansira Evropska Unija u BiH, a implementiraju Udruženje "Ja bih u EU" i „World University Service (WUS) Austria“.

HUB za zaštitu slobode izražavanja nastoji povezati aktivizam mladih sa organizacijama civilnog društva i predstavnicima medija koji su posvećeni zaštiti ljudskih prava i sloboda. Kroz ovaj projekat mladima želimo približiti **razumijevanje potpunog spektra slobode izražavanja** (slobodu govora, slobodu okupljanja, slobodu mišljenja...), kao i sva prava koja idu uz ove slobode, ali i odgovornosti koje one nose.

Opći cilj projekta je doprinijeti sveobuhvatnom razumijevanju slobode izražavanja, kao i **podržati i osnažiti civilno društvo** (mlade i organizacije civilnog društva mladih) u BiH da razumiju i, kroz saradnju sa medijskim djelatnicima i predstavnicima pravosuđa, promoviraju pravo na slobodu izražavanja i njegova ograničenja. Također cilj je unaprijediti znanje mladih i medijskih profesionalaca za suočavanje sa dezinformacijama, govorom mržnje, misoginijom i klevetom.

Ciljne grupe u ovom projektu su mladi iz cijele Bosne i Hercegovine, mediji i novinari i predstavnici pravosuđa.

Projekat će kroz aktivnosti **direktno uključiti više od 300 mladih iz cijele Bosne i Hercegovine i više od 20 medija.**

U okviru projekta kreiran je **priručnik za mlade "Vodič kroz slobodu izražavanja"** koji obuhvata 5 modula: razumijevanje potpunog spektra slobode izražavanja; prepoznavanje i borba protiv dezinformacija; borba protiv govora mržnje; mizoginije i pitanje uticaja klevete na slobodu izražavanja. Vodič je sveobuhvatan priručnik koji sadrži definicije i objašnjenja svih relevantnih pojmova, primjere iz prakse, primjere donesenih presuda na ovu temu i naučit će mlade da kroz primjere prepoznaju dezinformacije, govor mržnje, kršenje sloboda i kako oni mogu da djeluju u svojoj zajednici.

Ovaj vodič je predstavljen i kroz **digitalnu platformu** <https://hubzasloboduizrazavanja.ba/> koja služi kao HUB/središte za **interaktivno učenje** i izvor informacija o potpunom spektru slobode izražavanja (kvizovi, video sadržaji, slike, primjeri...).

Također su održani **treninzi** za mlade o primjeni ovog vodiča.

Mladi koji učestvuju na ovom projektu će u narednom periodu imati priliku predstaviti sve što su naučili kroz **lokalne pilot aktivnosti** koje obuhvataju **posjete medijskim redakcijama, susrete sa predstavnicima lokalnih vlasti, diskusije sa predstavnicima pravosuđa i radionice sa drugim OCD.**

Također će biti organizovano ukupno **6 panel diskusija** za mlade širom BiH na kojima će sa predstavnicima pravosuđa i lokalnih vlasti imati priliku razgovarati o zaštiti novinara i medijskih radnika, rekriminalizaciji klevete, o slobodi okupljanja, slobodi udruživanja, značaju različitih mišljenja, te načinima poticanja inkluzije u društvu, kao i o suprotstavljanju dezinformacijama.

Na kraju projekta bit će organizovana i **regionalna konferencija** na kojoj će diskutovati o slobodi izražavanja u BiH, te će se govoriti o ključnim aspektima praćenja ljudskih prava, istraživanja i zagovaranja, uključujući međunarodne dobre prakse.